

Kubhekelwe izindawo zasemakhaya ngamanzi

FRASER MTSHALI

ISIKHONDLAKHONDLA senkampani ekhiquza amanzi KwaZulu-Natal, uMngeni Water, izosebenzisa isamba esingu-R3-billion yakha ingqalazinda ezofakela amanzi kakhulukazi ezindaweni zasemakhaya kulesi sifundazwe.

Lokhu kushiwo nguMnuz Mzimkulu Msiwa, oyiChief Executive Officer (CEO) yale nkampani eThekwini kuleli sonto ethula umbiko wezezimali wale nkampani wonyaka u-2009/2010. Izindawo zasemakhaya yizona ezizosizakala kakhulu ngesamba sika-R1-billion esizoqondana ngqo nengqalazinda.

Omunye uR1-billion uzosebenza ekuthuthukisweni kwengqala-sizinda ekhona nasekwengezeni ngalokho okudingekayo kuyo. Isamba sikaR800-million sizosebenza ekulungiseni okonakele kumbe ekwezneni ngcono ezobuchwepheshe obuhambisana nale ngqala-sizinda.

UMnuz Msiwa uthe ukwakhawakwale ngqala-sizinda kuyisu-ngqangi eliqukethe ngusomqulu woMngeni Water obizwa ngokuthi yiInfrastructure Master Plan 2008.

Leli lisu-ngqangi limumethe inhloso yoMngeni Water yokukhiquza amanzi ngokumatanisa izidingo zomphakathi, ohlangothini olulodwa, nokubheka ukuthi ugwanse kangaka-

kanani umthombo wamanzi. Kuyona yonke inhloso yoMngeni Water, ngokwaleli lisu-ngqangi, wukubheka kakhulu izindawo zasemakhaya okuyizona zisilele emuva uma kuqhathaniswa nezinye. Okulandelayo yisithombe esichaza ngokuthi ngoJune 30 kulo nyaka bese likuphi izinga lemisebenzi ehlukahlukene eyenziwa wuMngeni Water.

Obese kuphothuliwe, yilokhu: * YINGcebo Bulk Supply Scheme. Lolu wuhlelo oluzolethela amanzi abantu ababafelwa kwabayizi-16 000 bakuMasipala waKwaMaphumulo ongaphansi kwesiFunda sikaMasipala weLembe. Imiphakathi ezosizakala ngowaKwaNgcolosi, Ekuthandazeni, KwaNgubane, e-Washini, eKhatha, KwaMambulu, KwaHongwa, eMabomvini, eShabe naKwaMagongo.

* Ipayipi lamanzi elisuka e-Avo-ndale liye eHanolulu, eligudla umgwaqo onguthela-wayeka u-N2 osuka eThekwini ubheke KwaDukuza. Leli payipi elingu-17.5-kilometre lizodlondlobalisa ukuphakelwa kwamanzi kuMasipala waKwaDukuza.

* Umshini ompompa amanzi ozolekelela ekulethweni kwamanzi ezindaweni ezisenyakatho yedolobha laseThekwini, njengaseNtuzuma, lapho kuvame khona ukunqamuka



OMILE nguMnuz Mzimkulu Msiwa, iChief Executive Officer yoMngeni Water. Uphahliwe nguNk Nica Gevers oyiChief Financial Officer noMnuz Andile Mahlalutye, usiHlalo woMngeni Water
Isithombe: Fraser Mtshali

Water, uthe imali abadayisa ngayo amanzi yenyukile isuka ku-R1.90 yaya ku-R2.03 i-kilolitre.

Uthe imbangela enkulu yalokhu kwenyuka yisidingo esithe xaxa sokusetshenziswa kukagesi nokuhambisana nawo, ukugcinwa kwemishini isesimweni esifanele, ukuguga kwemishini namaholo abasebenzi. Le ntengo kaR2.03 isebenza ekudayiseleni omasipala abehlukahluke-ama eyabo imali sebedayisela izakhamuzi amanzi.

kwamanzi.

* Sekuyaphela ukwakhawakweli nye ipayipi elizoletha amanzi eThekwini eliphakathi koMsunduzi neTheku eligudla umgwaqo onguthela-wayeka ongu-N3.

UMnuz Msiwa uthe imisebenzi eminingi eqhubekayo njengamanje isezindaweni zasemakhaya njengeKwaMaphumulo, eMhlabashana, ezindaweni ezisogwini oluseningizimu eHibiscus naseMzumbhe.

UNk Nica Gevers, oyiChief Financial Officer (CFO) yoMngeni